

# Powšitkowne WOZJEWJENJA

njedźelu, 5. nowembra 2017

## **TCM „Łužica pomha“ – Pomocna akcija za Pólsku**

Dom za samostejace žony z dźěćimi w Elku w sewjerneje Pólskej chce Towarstwo Cyrila a Metoda z.t. lětsa ze swojej akciju „Łužica pomha“ podpěrać. Zběra pjenježne dary runje tak kaž drastu, higieniske wěcy a wšo dalše, štož je tež w swójbje trěbne. Nadrobniše informacije k tomu su w Katolskim Posole wozjewjene.

## **Wopomnjenska nutrnosť w Hórkach**

Na Hanku Šěrcec, katolsku Serbowku židowskeho pochada, ma so štwórtk, 9. nowembra, w 17.30 hodž. z wopomnjenskeje nutrnosť w Hórkach při kopolaku-plesternaku spominać. Wšitcy su k tomu wutrobnje přeprošeni.

## **Kak dźěći za Boha zahorić?**

Worklečanske dekanatne dušepastyrstwo dźěći přeprošuje čestnohamtskich pomocnikow, kotřiž so za dźěći we wosadze angažuja, a dalších zajimcow na wječork k temje „Kak dźěći za Boha zahorić?“. Referent za dźěćacu pastoralku Drježdžansko-Mišnjanskeho biskopstwa, Stephan Schubert, poda pokiwy ke katechezam a k wšelakim poskitkam za dźěći we wosadach. Wječork zahaji so wutoru, 14. nowembra, w 19.30 hodž. we Worklečanskim Don Boskowym domje.

## **Maćična akademija**

K temje „Wuwice serbskeho stawiznopisa w NDRskim času“ přednošuje Alexander Pólk štwórtk, 16. nowembra, w 19.30 hodž. w Budyskim hosćencu „Wjelbik“, Žitna 7. Młody serbski stawiznar, kotryž bydli w Budyšinje, předstaji rezultaty swojeho masterskeho dźěla, kotrež je lětsa na Techniskej uniwersiće w Drježdžanach wotzamknył. Přednošk budže w serbskej řeči, zastup je darmotny. Stawizniska sekcija Maćicy Serbskeje wšitkich zajimcow wutrobnje přeprošuje.

## **Jězba za serbskich młodostnych k 75. smjertnemu dnjej do Dachauwa**

Towarstwo Cyrila a Metoda z.t. a Worklečanske dekanatne dušepastyrstwo młodžiny přeprošujetej składnostnje 75. posmjertnin zbóžneho kapłana Alojsa Andrickeho młodostnych wot 9. lětnika klětu wot soboty do njedžele, 3. do 4. februara, na jězbu do Dachauwa a Mnichowa. Předwidžany plan je w Katolskim Posole wozjewjeny. Tuta jězba by móhla tež hodowny dar młodostnemu być.